



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De materia Eucharistiæ panis & vini,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

minò consumatur, in tabernaculo reponantur.

Ipsam autem Eucharistiam, vel vasculum cum Eucharistia nullo unquam tempore Sacerdos tractet, nisi superpelliceo ac stolâ decenter indutus, & luminibus accensis, vel saltem lampade lucente.

DE MATERIA EVCHARISTIÆ, PANIS scilicet & vino.

Panis Azymus & triticeus esse debet, ac singulari studio præparatus, curandumque est, ut semper recens habeatur; unde quando proximo capite dictum est, ut particulæ vel Hostiæ sint recentes, nomine hostiarum recentium, tam maiorum ad Missæ sacrificium, quam minorum ad populi communionem destinaturum, non veniunt illæ intelligendæ, quæ toto anno in Sacristia asservantur, ut quidam sentiunt, sed alternis saltem mensibus ex monasteriis vicinis seu locis ubi conficiuntur hostiæ recentes, & jam tunc paratæ, oblato pretio, sunt comparandæ.

Vinum autem ex vite purum, clarum, & non acidum, album, non rubeum sit, licet

licet & in rubeo, ritè ac legitimè conficiatur, propter Purificatoria tamen, & alia lintea, quæ subinde casu vino asperguntur, & maculis indè concipiunt, quæ nulla amplius arte elui possunt, albo uti consilius est) recens quoque de dolio promptum esse decet. Vnde periculosum est, vinum pro sacro à Cauponibus, hæreticis præsertim accipere, qui ut plurimum illa, quæ pridie ex Symposio relicta, & in unum hinc inde congesta, obtrudere solent. Quare satius erit, è proprio vase vina ad sacrificandum promere. Sin verò inopia loci, vel Ecclesiæ; alijsvè de causis propria vina non habeantur, & ex hospitio illa tam pro Sacrificio, quam populi Communione petere omninò sit necessum, curet Parochus, vel cui hoc incumbit, ut minister qui vinum adfert in cellam vinariam certè descendat, & oculos vinum ex vase non aliundè depromi, testes adhibeat.

*QVÆ CIRCA COMMVNIONEM
observanda.*

Contingit nonnunquam in numeroso
Communicantium concursu, plurimos
eosque